



**Ka Moporesidente
Henry B. Eyring**
Mogakolodi wa Ntlha mo
Boporesidenteng jwa Ntlha

Go Itlhophela GoLeboga

Rraetsho yo o kwa Legodimo o re laola gore re leboge mo dilong tsotlhe (bona 1 Batheselonika 5:18), mme O re lopa gore re neele malebo a masego a re a amogelang (bona D&C 46:32). Re a itse gore ditaolo tsotlhe tsa gagwe di direletswe go re itumedisa, mme re a itse gape gore go roba ditaolo go isa khutsafalong.

Ka jalo boitumelo le go thibogela khutsafalo, re tshwanetse go nna le pelo ya go leboga. Re bone mo matshelong a rona tomagano magareng ga malebogo le boitumelo. Rotlhe re rata go ikutlwa re na le malebogo, mme ga go motlhofo gore nako tsotlhe re be re leboga mo dilong tsotlhe tsa ditekong tsa botshelo. Bolwetse, go swabisiwa, le go latlhegelwa ke batho bao re ba ratang go a tla mo dinakong dingwe mo matshelong a rona. Mahutsana a rona a ka dira gore go nne thata go bona masego a rona le go lebogisa masego ao Modimo a re a boloketseng mo isagong.

Ke kgwetlho go bala masego a rona ka gore re na le go ganeleleng kwa go tsayang dilo tse di molemo motlhofo. Fa re latlhegelwa ke marulelo godimong ga ditlhogo tsa rona, le dijo go ja, kgotsa kamano ya ditsala le ba lelwapa, re lemoga gore re ka bo re nnile le malebo fa re santsane re na le tsone.

Mo go tsone tsotlhe, nako tse dingwe go thata mo go

rona go lebogela mo go lekaneng dimpho tse dikgolo tse re di amogelang: go tsholwa ga ga Jeso Keresete, Tefo ya Gagwe, tsholofetso ya go tshoga mo baswing, tshono wa go ipelela botshelo jwa bosakhutleng le ba malwapa a rona, go Buseletswa ga efangele le boepesiti le dilotlele tsa jone. Fela ka thuso ya Mowa o o Boitshepo re ka simolola go utlwa seo se masego ao a se rayang go rona le bao re ba ratang. Mme fela jalo re ka solofela go nna le tebogo mo dilong tsotlhe le go thibogela go kgopisa Modimo mo go sa lebogeng.

Re tshwanetse go kopa mo thapelong gore Modimo, ka thata ya Mowa o o Boitshepo, o tlaa re thusa go bona masego sentle le tota mo gare ga diteko. O ka re thusa ka maatla a Mowa go lemoga le go lebogela masego ao re a tsayang motlhofo. Seo se nthusitseng thata ke go kopa Modimo mo thapelong, “Ao tsweetswee o Ka nkaela mongwe yo ke ka mo go thusetsang?” Ke mo go thuseng Modimo go segofatsa ba bangwe mo o Ke boneng masego ame gaufi thata.

Thapelo ya me e kile ya arabiwa fa khapole eo Ke neng ke sa e itse ene ya ntaletsa go ya sepatela. Ko o Ke ne ka bona ngwana yo monnye a le monnye mo eleng gore o ne a lekana le seatla sa me. Fela mo dibekeng tse dikhutshwane tsa botshelo, o ne a fetile mo maa-rong a le mmalwa. Dingaka di ne di boletse batsadi

gore maaro a mangwe a a bokete a a tlhokafala a pelo le makgwafo go tshegetsatsa botshelo mo ngwaneng yo monnye yo o wa Modimo.

Ka kopo ya batsadi, Ke ne ka neela ngwana tshego-fatso ya boperesiti. Tshego-fatso ene e akaretsa tsholofetso ya go oketsa malatsi a botshelo. Go go fetang go neela lesego, Nna ke ne ka amogela lesego la pelo ya malebogo.

Ka thuso ya ga Rara wa rona, rotlhe re ka tlhopho go utlwa malebogo a magolo. Re ka mo kopa go re A re thuse go bona masego a rona sentle, go sa kgathalesege gore diemo tsa rona ke eng? Ka letsatsi leo mogo nna, Ke ne ka lebogela go feta pele kgakgamatso ya gore pelo yame le makgwafo dia a bereka. Ke ne ka fa malebogo motseleng ke ya gae masego go bo ngwanake a gore ke bonang sentle ko kgakgamatso tsa bopelontle di tswang ko Modimong le ko di tswang mo bathong ba ba molemo ba ba ntikologileng.

Go feta tsotlhe, Ke ikutlwile ke na le malebogo a bopupi jwa Tefo e bereka mo matshelong a batlhobaedi ba batsadi le nne. Ke bone tsholofelo le lorato le le itshekileng la ga Keresete le phatsima mo difatlhegong tsa bone, le tota mo tekong e e boitshegang ya bone. Mme Ke ne ka ikutlwa bopupi jo o ka bo utlwanng fa o kopa Modimo go go senolela gore a Tefo e ka go letlelela go utlwa tsholofelo le lorato.

Rotlhe re ka ithlaphela go fa malebo mo thapelong le go kopa Modimo gore kaela go direla ba bangwe go Ene—thatathata mo nakong eno ya ngwaga fa re ipelela botsalo jwa Morena. Modimo Rara o re file Morwa wa Gagwe, mme Jeso Keresete o re file Tefo, mpho e e kgolo fo di feta tsotlhe le tsotlhe tse di filweng (bona D&C 14:7).

Go fa malebogo mo thapelong go ka re letlelela gore re bone botona jwa masego le otlhe masego a mangwe ka jalo re amogele mpho ka malebogo a pelo e kgolo.

GO RUTA GO TSWA MOLAETSENG O.

Go kwala fa fatshe maitemogelo a rona le masego go ka re thusa go a gakologelwa le go re neela sengwe

se re ka boelang go sone. A kanya go kopa bao o ba rutang go kwala fa fatshe seo o se lebogelang—go ba thusa go gakologelwa masego ao ba ba amogetseng, go lemoga masego a gone jaanong, le go lebelela kwa pele ko masegong a mo isagong.

O ka rotloetsa gape bao o ba rutang go sala morago sekai sa Moporesidente Eyring sa go kopa Rraetsho yo o kwa Legodimong go ba bontsha mongwe yo o ka mo ba thusang kgotsa ba mo direla.

BONANA

Tsaya Kgwetlho ya Malebogo

Ka John Hilton III le Anthony Sweat

Are se bue fela ka go bala masego a rona—a re direng jalo! Kwala palololo ya dilo tse 100 tseo di lebogelang. Fa seo se utlwalega jaaka e kete go gontsi thata, le ka seno:

1. Kwala boitekanelo jwa senama jo 10 jo o bo lebogelang.
2. Kwala dilwana tseo nang le tsone dile 10 tseo di lebogelang.
3. Kwala batho ba le 10 ba o ba lebogelang.
4. Kwala batho ba le 10 bao ba tlhokafetseng bao o ba lebogelang.
5. Kwala dilo tse 10 ka ga tlhologo tseo o di lebogelang.
6. Kwala dilo tse 10 ka letsatsi leno tseo o di lebogelang.
7. Kwala mafelo a le 10 mo lefatsheng a o a lebogelang.
8. Kwala ditlhamo tse 10 tsa segompiano tse o di lebogelang.
9. Kwala dijo tse 10 tse o di lebogelang.
10. Kwala dilo tse 10 ka ga efangele tse o di lebogelang.

Fa re balolola jaana, re lemoga gore go balolola mo go 100 ga go ise go be go ngape fa godimo dilo tsotlhe tseo Modimo a re di fileng.



Tumelo • Lelwapa • Thuso

Bophara jwa Kgang ya go Dira

Bala sedirisiwa se mme, fa go tlhokega, buisanya le bakaulengwe bao ba etelang. Dirisa dipotso go thusa gore o thatafatse bakaulengwe mme o dire Mokgatlho wa Thuso gore e mme ntlha nngwe ya botshelo jwa gago e e tlhaga.

Morena, Kereke ya gagwe, malwapa, le metse e tlhoka tlhotlheletso ya basadi ba tshiamo. Ka nnete, Mogolwane M. Russell Ballard wa Khwaramo ya Baapose-tole ba ba Lesome le Bobedi o ne a ruta gore, “Mongwe le mongwe wa bokgaisadi mo Kerekeng yo a dirileng dikgolagano le Morena o na le taolelo ya selegodimo go thusa go boloka batho, go etelelapele basadi ba lefatshe, go nonotsha magae a Sione, le go aga bogosi jwa Modimo.”¹

Bangwe ba bokgaisadi ba ka ipotsa gore a ba ka diragatsa boikaelelo jo tlotlatso e kalo. Mme jaaka Eliza R. Snow (1804–87), moporesidente wa kakaretso wa bobedi wa Mokgatlho wa Thuso, o tlhalositse, “Ga go mokaulengwe yo o fa thoko thata, mme karolo ya gagwe ele tshesane mme ele se aka se dirang thata go isa go tshegetsatsa Bogosi jwa Modimo mo lefatsheng.”² Kgaisadi Snow gape o ne a ruta gore Mokgatlho wa Thuso o ne wa rulaganyediwa “go diragatsa sengwe le sengwe se se molemo le tiro e tlotlegile.”³

Go tsaya karolo mo Mokgatlhong wa Thuso go oketsa bophara jwa tlhotlheletso ka go neela mongwe le mongwe wa bakaulengwe tshono ya go aga tumelo, go

nonotsha malwapa le magae, le go fa tirelo gotlhe ko gae le go iseng lefatsheng lotlhe. Ka letlhogonolo, thata ya rona re le batho le jaaka Mekgatlho ya Thuso ga e tlhoke go re e be ele metona le go re e be e pikame, mme e tshwanetse gore e be e akanyeditswe e tlhomama. Ditiragatso tsa tshiamo jaaka thapelo ya tsatsi le letsatsi ole motho le ole lelwapa, go ithuta tsatsi le letsatsi mo mafokong a a boitshepo, le go tlhomama re godisa dipotso tsa Kereke go tlaa re thusa go oke-tsa tumelo le go aga bogosi jwa Morena.

Go bokgaisadi bao ba ipotsang gore a go neela ka tidimalo go ka dira pharologanyo, Mogolwane Ballard a netefatsa: “Mongwe le mongwe wa bakaulengwe yo o emang ka boammaaruri le tshiamo o nyeletsa tlhotlheletso ya bosula. Mongwe le mongwe wa bakaulengwe yo o nonotshang a sireletsa lelwapa la gagwe o dira tiro ya Modimo. Mongwe le mongwe wa bakaulengwe yo o tshelang jaaka mosadi wa Modimo o nna pakane go ba bangwe gore ba mo sale morago le gore ba jwale peo ya tshiamo ya tlhotlheletso eo e tlaa rojwang mo masomeng a dingwaga tse di tlang.”⁴

Gotsweng mo Ditsong tsa Rona

Eliza R. Snow, yo o neng a direla jaaka mokwaledi fa Mokgatlho wa Thuso o ne o rulaganngwa mo Nauvoo o ne a bitswa ke Moporesidente Brigham Young (1801–77) go etela gotlhe mo Kerekeng, a thusa bobishopo go rulaganya Mokgatlho wa Thuso mo diwateng tsa bone.

Mokaulengwe Snow o rutila gore: “Fa mongwe wa barwaetsana le bo mme mo Iseraele ba ikutlwa bale tlase ba ngotlofetse mo lefelong le ba leng teng jaanong, ba re jaanong ba bone tebelelo e ntsi go maatla mangwe le manwe le kgonego go dira bomolemo jo o ka bo bone ka kgololesego ba bo entailweng. . . . Moporesidente Young o buletse dinotlele ka bophara jwa kgang ya go dira le go solega molemo.”⁵

DINTLHA

1. M. Russell Ballard, “Women of Righteousness,” *Liahona*, Dec. 2002, 39.
2. Eliza R. Snow, “An Address,” *Woman’s Exponent*, Sept. 15, 1873, 62.
3. Eliza R. Snow, “Female Relief Society,” *Deseret News*, Apr. 22, 1868, 81.
4. M. Russell Ballard, *Liahona*, Dec. 2002, 39.
5. Eliza R. Snow, *Deseret News*, Apr. 22, 1868, 81.

Go tsweng mo Mafokong a a Boitshepo

1 Bakorinta 12:4–18; 1 Timotheo 6:18–19; Mosaeya 4:27; Mekwalwana ya Tumelo 1:13

Ke Ka Dirang?

1. Ke ka dirang go thusa bakaulengwe
bao Ke ba etelang go lemoga le go dira ka
natla go nna thotloetso ya tshiamo?

2. Ke ka dirisa dimpho tsame
tse di kgethegileng le talente
go segofatsa ba bangwe jang?

**Go bona molaetsa yo montsi, ya
ko www.reliefsociety.lds.org**